



Tir Yimym

www.tiryimym.in

Regd. No. RNI. NAGAAO/ 2004 / 13113. Postal-NE/RN-717.

e-mail : tiryimym@gmail.com

TAPAK 7 Yangia anidakangma : Tir Yimym tir_yimym

tir yimym TAPAK 8



US-i memulungaka Israel-i Beirut nung maneni amaker



ICC Test rankings: Harry Brook-i Virat Kohli ajatetogo

VOL. XXII ISSUE NO. 08 (ADOK 08) DIMAPUR YANGTEPNÜ (THURSDAY) MONGPUTENI (OCTOBER) 17, ₹ 5.00

CSU-i NHIDCL nem ghonda 48 züngzüksür

Kohima, October 16, 2024 (TYO): Kohima-Jessami road aser talisa Chakhabama-Kikruma lenmang mejungi aliba yanglutsü atema Chakhesang Students' Union (CSU)-i NHIDCL nem ghonda 48 züngzüksüogo. "NHIDCL-i Kohima-Jessami road aser talisa Package-II kübok Chakhabama-Kikruma lenmang kanga mejungi aliba yanglushitsü atema mapang züngzüksütsüsa akümer" ta President Pihulo Sara aser General Secretary Kuzoto-Swuro nati sangdong ka nung ashi.

Küm aika iba lenmang nung public kanga timtema arur aser lendong ataloktsüsa tia ka nung lir ta CSU-i ashi. NHIDCL-i ghonda 48 tsüingda anentsüh alua alibatem aser lenmang noktanga aliba ajak lapoktsüla., ongentem nembangtsüla aser drainage systems shitak yanglutsüla ta CSU-isa ashi. Item mapa meinyakra CSU-i kechi junger ta bilemdir inyaktsü aser iba tebilemtsü khuretji NHIDCL-i abentsü ta m e n d e n p u r t e m i s a metetdaksüogo.

CM Rio-i Pughoboto nung New Administrative Complex lapoktsü



Dimapur, October 16, 2024 (TYO): October 16, 2024 nü Chief Minister Neiphu Rio-i Pughoboto nung New Administrative Complex lapoktsüogo.

Iba ya Zunheboto District nung Pughoboto Subdivision renloka aoba tamaitü ka lir. Iba sentong nung MLA Dr. Sukhato A. Sema, Roads & Bridges Minister G. Kaito Aye, Rural Development Minister Metsubo Jamir, Sumi MLA tem aser ketdangsürtem aden.

Chief Minister Rio-i New Administrative Complex lapoktsüba den külemi E.E PWD (R&B), Functional Manager Sub-DIC aser Assistant Public Relation Office indang office tem lapoktsüogo.

Maneni, tanga department tem complex tasenbai pei pei office belentsü imlar.

Tanü CM Rio-isa Pughoboto Town nung mezüngbuba State Bank of India (SBI) kongsang aser Sumi Aphuyemi Kukami Hoho (SAKH) kübok G.B's Customary Court lapoktsü.

"Pughoboto Administration aser public-i Pughoboto Subdivision renloktsü atema merangba aser bendanga agütsüba atema tenüngsang agütsür" ta CM Rio-i ashi.

"Pughoboto region aser Sumi Aphuyemi nung putiotsü reprangdangra Sumi nungeri state lenisüba aser takok tajungtem anguba aika lir. Anungji Sumi lanurtemi item tansütsü benshitsü ayongzük aser Subdivision nung ketdangsürtemi public den amalitepa terenlok bener arutsü merangang" ta pai ayongzük.

Chief Minister Rio-isa lanurtem dang State Examinations aser Interviews ajanga sorkar mapa bushitsü aser ano Chief Minister's Micro Finance Initiative (CMFI) ajanga entrepreneur tsütsü maongkatem bushitsü ayongzük.

Chief Minister's Health Insurance Scheme (CMHIS) takok ngua inyaker anungji nübortemi ibala sorkar scheme tem ajanga tajangzük agütsü merangang ta paisa ashi.

"Sumi nung dang Nagaland nung 'Warrior Tribe' ta ajar anungji telongjem adoktsü aser iba ajanga yimjung, terenlok aser azükaru bener arutsü atema nenok 'Warriors of Peace' akümtsü ayongzük" ta Rio-isa ashi.

"Chief Minister lenisüba kübok Nagaland nung alirtemi süngiang tajung achir aser sorkar ketdangsübaren kanga junga inyaker" ta MLA, Dr. Sukhato A Sema-i ashi.

"Chief Minister, Dy. CMs, Cabinet Ministers, Advisors, MLAs aser ketdangsürtemi mapang shitak nung Mishilimi aser Lazami nungi ali tenlar nem temenok agüsüba atema pelar. Iba New Administrative Complex ajanga public ajangzükba dang masü saka sorkar ketdangsübaren tajungba akümtsü" ta pai ashi.

Bharatiya Sakshya Adhiyam (BSN), 2023 (The Indian Evidence Act, 1872) den liromedema Sümi Aphuyemi Kükami Hoho (SAKH) "G.B's Customary Court" lapokba ajanga lokti dak sendakba inyakyim aser ozüngtem wazüka ayutsü, ta Dr. Sukhato-isa ashi.

Tanü Advocate Joshua Sheqi-i Chief Minister nem Subdivision Administration indang Memorandum agütsü.

Iba nung EAC Ghathashi nungi SDO (C) akümtsü, KT area atema Chisholimi village nung aser Asukiqa area atema Asukiqa town nung EAC headquarters lapoktsü shia lir.

Memorandum nungsa Pughoboto town nung sub-treasury office ka lapoktsü, Pughoboto Town Council tentetsü aser Puhukito o Asukiqa areas atema RD block, Asukiqa lapoktsü shia lir.

Mokokchung Ao Officer Telongjem Inti Senden aka



Mokokchung Ao Officer Telongjem Inti Senden akadang Mkg. DC Thsuvisie Phoiji aser Wb.Akok Walling jembidang tangokba angur.

Mokokchung, October / Mongputeni 16 (TYO): Mokokchung Ao Officer Telongjem (MOAT) tentetba anogo sentong den külemi MAOT Inti Senden tanu Sangtemla Multipurpose Hall, Mokokchung nung kaogo.

Iba sentong nung Mokokchung Deputy Commissioner Thsuvisie Phoiji-i Ao kin dak tila kümer nübur tenzükba sempet tajung keta lir aser iba den külemi tangari agizüktettsüsa libaliro aser inyaksangshi tajung, anungji item sempet tajungji Naga nungger temoatsü asoshi maneni tali dang tajungtiba nung amshidaksünerta ashi.

Mokokchung Deputy Commissioner-isa Naga nungger rongnung Aorji tamapur ta ajatsüsa tsüraburtemi senmang toktsüogo, anungji ibaji shisadanga MAOT züngsemtemi iba konangji mesamadaktsütsüsa inyaka liteter meliteter ibaji shisadangtsü nungtakerta MAOT züngsemtem ayongzükba jembia.

Sentong nungsa Ao Senden Tir Wb. Marsanen Imsong-i jembidang Ao Officer's Conclave ka akatsü aser iba menssem nungjibo Ao Riju mapatong nung Ao Academy tenzükba aotsü asoshi shisalemsa mapang tajung agütsüta lemsatsep.

Ao Senden Tir-isa tsüraburi

Naga kin balala nem otsüsütsüsa Tsüngrem yimsü tajung agütsüogo aser iba mapa tajung süngiangji chidagi ta ashi.

Nüburtemi Aori mapa ajak nung kechi koma inyakerta tsüngsü pua reprangdagi aser ne mapa agi na Naga nungger asoshi koma inyaker aji jangjatsü, anungji tarutsü nung Ao kin dangi temoatsü meyipa arutsüsa MAOT züngsem ajaki pei mapa nung ochishia aser nentaka inyaktsü nungtaker ta MOAT pur ayongzükba jembia.

Kasa sentong nung retired Principal of the Department of Higher Education Wb.Akok Walling-i "Vision Mokokchung 2040: Reinvigoration," onük nung ajemdaker jembia aser Rev. Dr. Chingmak, Secretary of the Eleutheros Christian Society (ECS) ajanga "Empowering Community" onük nung jembia liasü.

Iba sentong nung MOAT züngsem balala nungi shilem balala agiba den Sentong tenzükba Mokokchung Baptist Arogo Pastor Rev. Imtimendang-i sarasadema sentong tenzük aser tatem nung sentong takok nung len aniba asoshi Tsüngrem nem tenüngsang agüja sarasadema sentong tembang. Er. Lanusenla Longkumer Principal ICIT ketdangsüba nung iba sentong agia liasü.

Transmission Division Mokokchung kübok Vegetation Clearance inyaktsü

Sl. No	Schedule Date	Feeders	Affected areas
1	21 st -26 th Oct. 2024	66kV Tuli T/L 66kV Naginimora T/L 66kV TizitT/L 66kV Mon T/L	Changtongya Sub-Div, Tuli Sub-Div, Longleng & Mon District.
2	28 th Oct.-2 nd Nov. 2024	66kV Zunheboto T/L	Zunheboto District
3	04 th -8 th Nov. 2024	132kV DoyangT/L	
4	11 th -16 th Nov. 2024	132kV LongnakT/L	Longnak & Mangkolemba Sub-Div.

Dimapur, October 16, 2024 (TYO): Transmission Division Mokokchung kübok 132kV aser 66k V Transmission Lines atema Vegetation Clearance alitsü ta Power Department-i metetdaksüogo.

October 21, 2024 nungi

November 16, 2024 tashi Transmission Lines temeket nung süngdong-lidong aser arem merüktettsü anungji anepdang 8:00 ako nungi nikongdang 4:00 ako tashi power shibangtsü ta Power Department-i ashi.

Power supply shitak

agütsütsü aser supply agütsüba nung timtem majurutsü atema iba mapa inyaker anungji public-i department den amaliteptsü aser mapa inyakba anogotem aremzükba atatsü mepishir ta parnokisa metetdaksü.

Naga nunger libaliru yimya nung dangar memenep: Zhaleo Rio



Advisor, Urban Development & Municipal Affairs, Zhaleo Rio, IAS (Retd.) ajanga October 16, 2024 nü Public Ground, Chümoukedima nung sanitation vehicles tem semzüksüba noksa nung angur.

Dimapur, Mongputeni/Oct. 16 (TYO): Urban Local Bodies nem Sanitation Vehicles lema agütsüba sentong ka October 16, 2024 nü Chümoukedima Public Ground nung Municipal Affairs Department indang Commissioner & Secretary aser ketdangsur temi ayongzüka liasü, kong Advisor, Urban Development & Municipal Affairs, Zhaleo Rio, IAS (Retd.) tongti tesemdang liasü.

Advisor Zhaleo-i iba sentong nung jembidang department, ULBs nungi teshimtet nisungtem aser administration nungi arua adenba atema pelaba lemsatapa liasü.

Literacy rate kanga junga liaka Naga nunger libaliru yimya, mapa tajung inyakba, mürekmejuba aser civic sense nung dangar memenep, anungji asenoki meranga inyakba, ochi ashiba aser kati ka meimba yimya amshitsüla, ta pai ashi.

Pai nüburtem dang mapa inyakba tesem, kidang mesüra kima nung yimya tajung amshitsü ajungshi aser asen libaliru den apet mürekmeju alitsüla, aji mesüra asenok tejakleni aoba lima nung alitsü metemsü, ta ashi.

Pai nübur ajunga dang mürekmejuba yimya amshia dangar dang tatishitsü tajung sayutsü ayongzüka liasü.

Nüburtemi sorkar dak kising metaloka malitsüla, saka pei sasa revenue yanglua nungdakba osettsüset alitsüla, ta ashi.

Pai ULBs nungi adener tem dang Nagaland Municipal Act 2023 indang government guidelines sülen anidaksü aser pei mapa shidak inyaktsü ayongzüka.

Nüngdakra department-i technical teyari agütsü, saka ground level nung sentong mapa kuma inyaka aotsü ya ULB nung

ketdangsurtem dak keta lir, ta Advisor Zhaleo Rio-i ashi.

ULB ya asükum yimya mokoki bener meinyaktetsü, anungji ULB züngsem ajungai kati ka den teka amteper team ka ama külemi inyaktsüla aser pei aliba tesem nung temelenshi bener arutsüla, election mapang nangzüka ama inyaktsüla aser pei ajangzüksü atema mebilemsüla, ta pai ashi.

IPOS Commissioner & Secretary, Municipal Affairs Department & UDD, Kekhrievor Kevichusa ajanga sentong nung jembidang, Municipal Act nung tashi lemsatsüba nung mürekmejutsü ya ULB teinyaktsü tongtipang ka lir aser pei Urban local bodies müreka ayutsü asoshi inyaktsü atema department-i mera tilaka agia iba teyari agütsür, ta ashi.

Mera tilaka nungi tenzükaka küm ishika tsungta inyakyim aser teyari tuluba akumtsü imlar, ta pai ashi.

ULB teinyaktsü mapa dang nungi senotsü kanga agi tajemba lir aser senotsü angutsü lenmanga kanga temesü, ta pai ashi.

Item osettsüset aliba sen ya 14th Finance Commission nungi anguba lir aser kasa mapang maparen balala atema senotsü lemsatsür, ta Kevichusa-i metetdaksü.

Accounts tem junga audit mesüra senotsü angutsü kanga tasak lir, ta pai ashi. Paisa account tem audit agütsü atema mera agir, saka expenditure statements ya bills nung maliba ajanga timtem ajurur, ta ashi.

Senotsü indokba ajunga indang bill agütsütsüla, aji mesüra centre nungi senotsü teyari lenmang tasen mongutetsü, ta pai ashi.

Anungji ajaki bill agütsütetsüla, aji asünung dang

department-i agütsüba proposals ajak 16th Finance Commission dang sayutetsü, ta ashi.

Iba sülen ULBs 9 aser Commissioner of Police, Dimapur (2023-24) nem osettsüset balala Yamai lema agüja liasü:

Dimapur Municipal Council- Piaggio Ape BSVI Garbage Tipper (Piaggio Cargo with Hydraulic Hopper) ka aser Electric Vehicle Garbage Collection Fleet ana, E-rickshaw, capacity-700 KG.

Chümoukedima Town Council- Piaggio Ape BSVI Garbage Tipper (Piaggio Cargo with Hydraulic Hopper) ana aser Electric Vehicle Garbage Collection Fleet ka, E-rickshaw, capacity-700 KG aser Bolero Pick Up 4WD PS BS6 ka.

Medziphema Town Council- Piaggio Ape BSVI Garbage Tipper (Piaggio Cargo with Hydraulic Hopper) ka, Bolero Pick Up 4WD PS BS6 ka.

East Dimapur Town Council- Piaggio Ape BSVI Garbage Tipper (Piaggio Cargo with Hydraulic Hopper) ka aser Bolero Pick Up 4WD PS BS6 ka.

Niuland Town Council- Piaggio Ape BSVI Garbage Tipper (Piaggio Cargo with Hydraulic Hopper) ka.

Mon Town Council - Bolero Pik Up 4WD PS BS6 ka.

Aboi Town Council - Bolero Pik Up 4WD PS BS6 ka.

Chiephoubozou Town Council- Bolero Pik Up 4WD PS BS6 ka.

Pfutsero Town Council - Bolero Pik Up 4WD PS BS6 ka.

Commissioner of Police Dimapur- Electric Vehicle Garbage Collection Fleet ka, E-rickshaw, capacity-700 KG.

National Level Monitors ajanga Peren semdang

Dimapur, Mongputeni/Oct. 16 (TYO): Ministry of Rural Development and Panchayati Raj nungi S K Chauhan-i anir National Level Monitors (NLM) team ajanga October 16, 2024 nü Peren semdang aser Deputy Commissioner, Peren indang Conference Hall nung Heads of Offices tem den senden mena liasü.

Iba senden ya Deputy

Commissioner, Peren, Hiazu Meru lenisüba kübok amen.

Sensaksemba mapang Ministry ajanga Peren District tesem balala nung maparen balala inyakba asadangtsü atema semdangba lir, ta S K Chauhan-i ashi.

Parnoki teshimtet yimtsüng ter semdanga MGNREGS, DAY-NRLM, DDU-GKY, PMAY-G, NSAP, PMGSY,

DILRMP, PMKSY, Watershed component, SAGY aser SVAMITVA department tem kübok scheme balala inyakba asadangtsü, ta pai ashi.

Senden tembanga Deputy Commissioner, Peren ajanga Heads of Offices tem dang centre nungi ketdangsur temi yimtsüngtem semdangba mapang yariteptsü ayongzüka liasü.

Dimapur Mega Mock Drill atema senden ayonger

Dimapur, Mongputeni/Oct. 16 (TYO): Deputy Commissioner & Chairman, District Disaster Management Authority (DDMA), Dimapur, Dr. Tinojongshi Chang, NCS ajanga sangdong ka nung October 17, 2024 nikongdang 1:00 ako nungi tenzükaka DC Dimapur indang office chamber

nung senden ka amentsü metetdaksü. Iba senden ya October 24, 2024 nü Mega Mock Drill Exercise agütsü aliba atema jembishinitsü asoshi ayongzüker. Züngsem ajak iba senden nung medema adentsü ayongzüker, ta sangdong ajanga ashi.

Kohima DPDB senden nung terenlok maparen asadang

Dimapur, Mongputeni/Oct. 16 (TYO): Kohima district atema ita shia amenba District Planning and Development Board (DPDB) senden October 15, 2024 nü DPDB Hall, Kohima nung MLA Dr. Tseilhoutuo

Rhutso lenisüba kübok mena liasü. Iba senden nung mendenpuba Deputy Commissioner, Kohima, Kumar Ramnikant, IAS ajanga taoba senden nung lemtetba lepa reprangshi aser züngsem tasen ka pela agizüka liasü.

P Khel, Kohima Village nung amenoka aliba Carl Roger's Institute of Mental Health Research Centre ajanga parnok inyakshangshi PowerPoint nung agütsü aser board ajanga ken o balala jembiba sülen society registration atema Higher Education aser Social Welfare Departments nungi telangzüba meshitsü lemtet.

Chiechama Village, Kohima nungi Chiechama Students' Union registration atema jembi aser approval masüdag nungja melenshitsü ashi.

Board nungsa Kezocha Administrative Block nungi Chiephobozou Administrative Block dangi Dihoma, Kijümetouma Bawe aser Basa yimtsüngtem transfer asütsü indang jembi aser agizüktsü atema temaba ketdangsur dangi yoktsü mulungtep.

Urban Development Department, Kohima ajanga district nung scheme aser sentong balala inyakba indang Joint Director Kezhochole Rhetso ajanga osang agüja liasü.

Itemrongnung DAY-NULM, kong Kohima nung Self-Help Groups (SHGs) 226 tenüing lir, aser street vendors atema PM SVAN NIDHI kübok socio-economic profiling indang osangtem agüja liasü.

Rhetso-isa Swachh Bharat Mission, Kohima Municipal Council Legacy Waste Quantification Survey, AMRUT Mission, aser AIDS amala sentong nung terenlok aliba osang agütsü aser Kohima nung ano social work alitsü nungdaker, ta ashi.

Dr. Tseilhoutuo Rhutso-i Village Adoption Committee fund timba akumba indang metetdaksü, koba seed money ama sen lakh ana aliba nungi lakh asem akum, aser department balala dang mapa tali takok ngua inyaktsü asoshi tenlatsü ajungshia liasü.

Iba senden nung SDO (C) Kohima, Abeinuo Jasmine Ashao ajanga She-Box inyakyim indang tongmelang agi rasaa ashi, koba mapa inyakba tesem nung tetsürtem dak tim masüba mapa inyakba ken o benoka bentetba atema online system ka lir.

Assam Rifles-i 'World Food Day' sentong ayongzüka



Dimapur, Mongputeni/Oct. 16 (TYO): Assam Rifles temi Middle Primary School, Doyapur, Chümukedima nung October 16, 2024 nü 'World Food Day' indang awareness lecture sentong ka ayongzüka liasü.

Iba sentong ya tenzükaka alima nung meimchirtem chiyongtsü agi anungba aser peria maliba indang awareness agüja o jembia liasü.


Sentong nung kaketshir 50,

tesayur asem aser Assam Rifles nungi züngsemtem dena liasü.

Iba sentong nung tang alima nung chiyongtsü agi anungba tebilemsü aser iba tebilemsü koktetsü asoshi lenmangtem bushia jembia liasü.

Talisa teti amshitetsüsa alu ayimba yimyatem, chiyongtsü indokba ajemtsü, small scale farmers yaritsü aser nutrition education amala onoktem jembia liasü.

Omar-i J&K CM tenangzükba agi; Congress-i sorkar nung madener



October 16, 2024 nü Srinagar nung National Conference lenir, Omar Abdullah-i Jammu & Kashmir Chief Minister tenangzükba agidang tangokba noksa nung angur.

New Delhi, Mongputeni/ October 16 (Agencies): Bodhbarnü Srinagar nung National Conference (NC) tatong tir, Omar Abdullah-i Jammu & Kashmir chief minister tenangzükba agiogo; tang agi tanabenbuba pai chief minister inyaktsü.

Omar-i Deputy Chief Minister menden atema Jammu kübok Nowshera nungi Surrender Choudhary shim aser ibaji Jammu region nungi nüburtem nem yimli agütsüba liasü.

Bodhbarnü Srinagar nung aliba Sher-i-Kashmir International Convention Centre (SKICC) nung ayongzuka agiba tenangzükba sentong nungji INDIA teloktep nungi tongti lenir aika liasü.

Tawa J&K Assembly election nung National Conference aser Congress na

longiemer toktepa liasü, ajisüaka Congress-i sorkar nungji madentsü telemtetba agi.

Jammu & Kashmir Pradesh Congress Committee (JKPCC) Tir, Tariq Hameed Karra-i, Jammu & Kashmir sorkar nung Congress party-i medeni atatsü asoshi telemtetba agiogo, kechiyong party-i J&K nem state jenjang agüjang ta takhangba tagütsüdak, ta metetdaksü.

Karra-isa, "Onok mepelar, anungji onoki tangbo ministry nungji shilem magütsü," ta ashi.

Tenangzükba agiba sentong nungji Lok Sabha nung Opposition lenir Rahul Gandhi, Congress lenir Priyanka Gandhi Vadra, Jammu & Kashmir National Conference Tir Farooq Abdullah, Samajwadi Party Tir Akhilesh Yadav, People's Democratic Party (PDP) Tir Mehbooba Mufti, AAP lenir

Sanjay Singh aser Communist Party of India (CPI) lenir D Raja nung aden.

Tamalen Omar Abdullah-i, JKNC aser Congress na tsüngda cabinet menden dak sendakba nung mangatettep kecha mali, ta metetdakja liasü.

Paisa, Congress-i tangtangbo cabinet nung medeni alitsü ta shiogo, ta metetdaksü.

CM tenangzükba agütsü jakdang osangbenertem den jembidang Omar-i, "Congress ji cabinet nungi züngdoka mali. Iba atemaji parnok telemtetba agütsü akok. Onoki parnok den o lemtepa arudar. Council of ministers nung menden 9 prongla atema meshimtsü. Menden karbo tazüng toktsütsü, kechiyong onoki Congress den o lemtepa arudar. NC aser Congress na tsüngda ajak junga dang lir. Mangatettep ali asübo Kharge (Congress National Tir) Rahul aser Congress nung tongti lenirtem yagi (J&K) marula. Parnok medema aruba ajanga teloktep tashi itta lir ta sayur, aser onok longiemer nüburtem atema inyaktsü," ta metetdakja liasü.

Bodhbarnü anepdang Omar Abdullah-i tebou, Sheikh Abdullah indang leper semdanga tebou aser tetsü na nem akhüm agüja liasü.

Menden 90 aliba J&K assembly election nung NC-Congress teloktepi menden 48 tashi nung takok nguteta liasü. National Conference-i menden 42 aser Congress-i menden 6 angu.

Tanü Nayab Singh Saini-i Haryana Chief Minister tenangzükba agütsü

New Delhi, October 16 (Agencies): Brihostibarnü Nayab Singh Saini-i Haryana chief minister tenangzükba agütsü. Bodhbarnü pa Bharatiya Janata Party (BJP) legislative party lenir shimogo.

Taoba mapang home & family welfare minister, Anil Viji BJP legislative party lenir asütsü atema Saini tenüng benoka liasü, iba sülen MLA

temi agizük.

BJP-i CM candidate Saini shima liasü aser pai Ladwa menden nungi takok angu.

Party nung inyakertem den jembidang Saini-i, "Haryana nung nübur ajak tenüng nung ni Amit Shah agizüker. Party central lenirtemi in-charge pezü shim aser parnok ajaki Haryana nung BJP nem tang agi tasembenbuba takok

ngudaktsütsüsa kanga meranga inyakogo. Ni Dharmendra Pradhan aser tangartem dang pelar," ta metetdaksü.

Brihostibar anepdang 10:00 ako nung Panchkula nung aliba Dusshera grounds nung tenangzükba sentong agütsü aser iba sentong nungji Ato kilonser Narendra Modi densema party nung tongti lenir aika adentsü.



October 16, 2024 nü Islamabad nung India External Affairs Minister, S Jaishankar (tejaklen ajichilen nungi tanabuba) den SCO linüktem nungi tekolakpurtem 23buba SCO senden nung tangokba noksa nung angur.

Taila osang metetdaksürtem tayimtsü nung mesenzüdaktsütsü

New Delhi, October 16 (Agencies): Tawa mejangjaba nisungtemi phone ajanga airlines dang bomb amshia amaktsü, ta taila amokmerenba kanga bulua atalokba mapang nung sorkari mera kar agia inyaktsü bilemdar; item rongnung phone ajanga taila osang metetdaksürtem 'no-fly list' nung züngoktsü aser tayimtsü nung air marshals tali züngoktsü densema lir.

Bodhbarnü Ministry of Civil Aviation, Bureau of Civil Aviation Security aser Ministry of Home Affairs nungi tongti ketdangsertem senden mena phone ajanga airlines dang, bomb amshia amaktsü ta amokmerenba tatalokba kanga bulua akümba atema o lemtepa liasü.

Osang angazükba agi, taila osang metetdaksürtem maitsü jangjaba sülen parnok 'no fly list' nung züngoktsü atema civil

aviation ministry-i ozüng benokba agencies den jembidar.

Intelligence agencies nungi osangtem anguba sülen tayimtsütem nung air marshals tali lemzüktsütsü atema-a jembishinüdar.

Tesüiba anogo asem tsüngda linük telung nung senzüba aser bendanglen tashi senzüba India nung tayimtsü 10 dak tema bomb amshia amaktsü ta osang metetdakja liasü.

Bodhbarnü kija nunga tayimtsü ana- Akasa Air aser IndiGo indang tayimtsü kaka bomb amshia amaktsü amokmerena liasü, ajisüaka tesülen itemji taila call liasü ta jangja.

Taila amokmerenertem maitsü jangjaba sülen aputsü atema Bureau of Civil Aviation Security-i cybersecurity agencies aser police den senteper inyakdar.



October 16, 2024 nü Panchkula nung Union Minister Amit Shah-i Nayab Singh Saini nem tenüngsang agütsüdang tangokba noksa nung angur. Bodhbarnü Nayab Singh Haryana nung BJP legislature party lenir shimogo.

Kiralongraba ajanga shishilembaba jenjang majungtsü: S Jaishankar

New Delhi, October 16 (Agencies): Islamabad yimti nung Shanghai Cooperation Organisation (SCO) senden nung jembidang India External Affairs Minister, S Jaishankar-i, arrtsülen kiralongra aser alia inyakba mapatem lira, itemji ajanga shishilembaba jenjang majungtsü, ta metetdaksü.

SCO indang charter nung Arrla 1 metetdakja Jaishankar-i linüktem tsüngda kati ka dak tamang katetba, tembar akümba aser kiyonger ama tesendaktep tashi itshitsü nükjidongtem metetdaksü.

Nükjidongji lenla aika nung ranglokba organisation asütsü, linüktem aintsü aser rara nokdangtsü atema lir, ta paisa metetdaksü.

"Tongtibang tayongzükbatemji kechisa aliar Charter nung jangjajangja shia lir, aser kanga tongtibangtiba tayongzükba asem lir. SCO-i itemji anema raratsü. Mezüngbuba nung kiralongra, tanabuba nung separatism aser tasembubaji alia oa inyakba lir," ta EAM-i ashi.

Jaishankar-isa, "Tanü tensa

reprangdangra Charter indang nükjidongtemji kanga tongtibang. Temelung lemtepa ajema kümra, amalitep jenjang mejungra mesüra tesendaktep mejungra, itemji meyipa reprangshitsüla," ta ashi.

Israel aser Hamas na tsüngda raraba aser Russia o Ukraine na tsüngda raraba dak sendakba nung pai, tang alima nung tensa mejungi aliba mapang ka nung SCO senden amener, ta ashi.

CSO Charter dak sendakba nungsa Jaishankar-i, "Terenlok aser rongsenkettzüng aintsü atema yimjung alitsü nüngdak. Charter nung shia aliba ama item temenen asemji anema raratsüla. Arrtsülen kiralongra, separatism aser alia oa inyakba lira, itemji ajanga shishilembaba jenjang majungtsü, connectivity aser nüburtem tsüngda tesendaktep majungtsü," ta ashi.

"Health süaka, chiyungtsü süaka mesüra energy security süaka longiemer inyakba ajanga dang asenok ajak ajangzüktsü. Iba nungji sobaliba, shisaliok aser saisapong lenlatem-a densema lir," ta paisa metetdaksü.



TIR YIMYIM YIMOBILEM (EDITORIAL)

DIMAPUR YANGTEPNÜ, OCTOBER (MONGPUTENI) 17, 2024

Tejang matangba mapatem

Asenoki mapabo inyaker saka tajangzük magütsütsüba mapatem dang inyaker. Ibayongji, senotsüa endoker, nübua atsüker aser anibeleva kanga agir saka kodanga peria malir. Ibaji asenoki tejang metangtsütsüba mapatem nung asen mapang aser rongsen endokba ajanga lir. Item tejang metangtsütsüba mapatem rongnung asenoki welcome gate aser community hall yangluba mapatem ya asütsü. Aji oda, asenok yimten aser lokti yimkong sendener asen MLA aser minister-ba dang kechi meshitsü ta o lemtep ka aka nung, asenokbo aluyimba maparen ka nung yaridaktsüdi, nashi, ak, an metsü tenzüksüsa teyari lenmang ka asüngdangdi, asen lanurtem ya pei pei akok training agidaktsütsüsa sentong ka atongdaktsüdi ta lemteptsüba masü saka ajaki mulunga asen yim aser asen mepu gate tajung ka yangludaktsüdi, yimkong senden alitsü ki ka yangludaktsüdi, arogo nung tenla ki yangluba nung yaridaktsüdi ta lokti asoshi dang kanga aria bilema lemtettsü. Aji oda, 'welcome gate'-ji kanga akhüm keta yanglur yimkong benjong munga semzüksü, yim kar nung yimkong senden ki ka yanglur pelateptsü aser yim kar nung government sen adjust süa tenla ki yanglur meshiteta amungtsü. Iba sülenbo tananü nungi mapaa maka aser tachi tajemtsüa maka ta timatemtsü. Tanurtem kaketreju nung nungdak magütsütettsü. Benjong nung asemtsü abensüoshi alitsü meshimetsüi aotsüsa akümstsü, shilumanem ka tenji nunga mozüjang ka alitsüa makok repranga südaktsütsüsa tensa tia ajurutsü. Arogo purtema tenla kibo sentsüwangshia yanglutet saka arogo lokti senden nungbo senotsü osang magütsütettsüsa tensa tia ajurutsü. Aji oda, yim süngkumbo kanga akhüm taket saka yim süngküm kübok alir yimten yimsüsürtemi anir taintem ochimashi agi aküm maket akümstsü. Iba kasa yim süngküm kübok alir lanurtema mozümora achir teimba ser arogo aser yimten nungdak nung amshitsü pur mali küma aotsü. Atangji, yim ka asoshi yim süngkuma nungdak, anungji ajibo yimtak talir temang jangku toka saruteper yanglutsüla. Kasaji, yimkong senden kijia kanga nungdak, anungji ajia yim senpong nungi agiteta pei akok ki ka yanglutsüla. Kasaji, talir temang tamanger asünungji tenka ki tulu, tesadem aser tajung nungdaker, anungji arogo nungertem temeranger aser temulunger tenla sarutepe pei tashi yari yanglur, tenla ki topur ajungba dang nungibo tamangertem tamang jenjang aser jaklaliru tajungba asütsü merangteptsüla. Joko, asenoka kodaser anogo shia asenoksasa asen mapa nung sen terabo aatsü ta bilema züsen tenzüksü mapang tongogo. Aji oda, lokti aser arogobo takar saka kija kibongbo pei nungdaka meperitet sensaker ta aliba jenjang ya meyipteptsüla. Tanü yimten, lokti aser arogo nung ochimashi mapatem nokdang menokdangtet atalokba ya lokti aser arogobo takar saka kija kibongbo sensaker ta asüba agi ataloker. Ajisüaka, kodang arogo aser lokti amaji kija kibonga kadir, lokti aser arogo ano tali takarba akümstsü aser ketdangser ajaki ochishia ketdangtsütsü. Joko, asenok nisung shia asen dang tangari 'na kechi inyaker?' ta asüngdang dang, "kecha meinyaker" ta ashitsüsa asenok malitsüla. Government mapaji ana dang lir, kaji nübortem lendong timtem nungi kümzüksü aser ano kaji nübortem rongsen aser libaliru jenjang ajungkettsütsü. Item sentongtem asoshi government ket nung senotsüa lir aser yariteptsü pur nisunga lir, anungji asenok mapaji item teyaritemji meshi ashitsüla. Asenoki itemji memeshir aser tagütsütsü purtemia jungjunga mashir. Ibayongji, sen aser sentong ajungaji kar ki koyai aser kar arem koyai ta süshia bener oadoker. Joko, asenoka langkabo züsentetba, yanglutetba, yoktetba aser asenoki inyakba mapa nungi tejang tanga asen asoshi dang masü saka tangar nungdaka agütsütetba nisung kaka asütsüla. Asenoki welcome gate aser Community hall yangluba ya asüng tejang tanga achitsü züsenba mapa ka inyaker ama mebilemli. Iba tangatetba ya asen among aser asen kolok nungi odaktsüdi.

OLEMSABANG

Nenoki Tsüngrem Aser Rongsen Metenzüktet (Mathi 6: 24)

- S. Aosüngküm Ozüküm

(Yashi adok nungi...)

Ano karbo junga mamangtetaka, junga amangtetaka tetoktepba nung takok ngura kotak nunga kecha kuli melii odang anikettsü amai bilema atsüanem makatepi tekong merangteper aser alima kinük pezüsülen mesüngjemdaktsüi süngsüngrangranga toktepba angashidang, tang aritepa ainba lima aser putu tasen ka nung asenok lennirtemi aser tsüraburtemi tarutsü pei chirnur aser semchisemnur atema süoki ia mebilemli ya tashi inyakteper no! ta nüktzü aneta bilemdanger. Hoi, tanü Ao kin ya tejakleni aor asü tesüleni atsüngzuka alur? Tejakleni aora ta bilema mashileni aor asü? Temeimbatem tang asenok telitak lima ya rongsen temai jateta adokba putu ka nung lir ta metetdi. Aser rongsen sülen item ya anitaker ta metettsüla, nüktabangta, jabujari, amabangyim, morumoru, ashioktsütepba, külakkü bong, tepsetba, ano aika. "Kechiyong sen meimbaji tamajung tapu ajak tera lir, aser aji bushi nung nisung kar tamang nung mashileni anir ao, tejashi jenti agi pei temulungjang ateta tsüngogo (1st Timoti 6:10) Ano laishibai ashir "Kodang oset aser sen tali renlokdir tachirtema renloker aser tenük agi reprangba dak alaka kiburji kechi tajangzük ali? Oda aluyimerbo tila ka dang chiaka tuluka chiaka ayipjanga mejangera ta Tsüngrem oi ashihir, saka mashilen nungi bendena takar akümertem aser rongsen nüksüshiba takümtemji chiyungaka jemaka aser aika kaaka ayip majanger ta kuli agütsür (Sayu 5:11-12) Tsüngrem tenzükba ya kanga tsübuseta aser arendaka tenzüksüba mapa ka lir ta küm aika tejaklen tenzükter tambur kati ashiba bilemteter. Shibai Tsüngrem tenzükbaji rongsen angulen lenmang ta bilemer parnok tsüngda, bangsentepba, raratepba, mulungmalem, jashitep, mokokaji alitsü aser tatem nung maaksü aser Tsüngrem den tesentaktep pilar alima nung taso meshizük, metsü dak tanang samaadokba ama alitsü aser tatem nung pei metsüh nem temoatsü masü atakatem rizüngtsür asütsü.

Anungji Tsüngrem tenzükertem meshiteta, merükteta aser asüngteta alitsü asoshi arogo rongsen ketdangsüba nung medendaktsütsüla aser shilem magitsüsa arogo lennisüba temzüng ozüng yangludang kanga junga asadanger züludanga ayutsüla, saka pa mesüra laia meteta alitsü atema lenmang ka lapoktsü nung ajungtsü. Kechiaser tenzükertemji Temeshi lai o nungi tanela chiyungtsü tapet bushir anogoshia santem mesütsü aser anepalutsübaji parnok mapa sernung arogo inyakyim metokmepiri kar aliba agi rongsen ketdangsüba nunga kibur kümdakja tashi talila ka agütsüsemba agi, "awazüri metsü agi anang manang tendang dang shilung ka agiteta achiba agi lokti tsüngda obangmapu adokba den kasa lir. Anungji ABAM kübok lim arogotem ajak inyakyim aser lennisüba tera melenshira tarutsü tia tamajung nungi tenzükter aser amangbapur ajak jenbudisü ta ni bilemba ka lemsateper. Tsüngrem Oi ashir "Kibur Mekümi Tenzükter Kümang" Tenyar Paul-ia ashir ni tebok aahera ta süalir taser kü mapa meranga inyaker ta shia lir. Anungji asenoka iba tsüngsü nungji jajara alu Kibubai "Lanlia Tajung Kilir Ta Ashitsü südi. Iba Ocet ya Khristar Arogo Pai mulungba ama pungmen aser tarak maket mesüra kangdenba kecha melii yangertsü mechi arok külemi lungjemer shisadangtsü olen kar zülur. Kanga pelar.

Iba Olemsabang nung lemsaba ken-o aser shisatsü ya iba ocet züluri bilemba ken-o ama tazünger angateta agitsü mepishir

China nung Laishiba menünger Arogo lenir ka jail nungi chiokogo



Arogo lenir, Zhu Longfei jail nungi aludang kinüngtsüi pa agizükba noksa nung angur.

October 16, 2024: China nung Laishiba menüngba atema 2023 küm August ita nung sorkar ketdangsertemi Arogo lenir ka pua jail nung puoka liasü, ajisüika tawa pa bail nung chiokogo.

Shunde, Guangdong Province nung Shunde District People's Court-i October 8 nü Shunde Shengjia Arogo nung lenir, Zhu Longfei jail nungi chiok.

Pa tesüiba ita 14 jail nung liasü.

Par Arogo nung amshitsü atema Zhu-i ozüing alema Laishiba menüng, ta tai tonglokja ketdangsertemi pa pua liasü, ta Khristan melungtet telok China Aid-i metetdaksü.

Zhu den külemi par adianu ana- Zhu Longjiang aser Zhu Qiaoling nung pua jail nung aliba mapang nung tetsübo taküm March 15 nü asü.

“Adianu asemprong jail

nung aliba ajanga tetsü hospital nung amongba mapang nunga parnoki la majuruteti liasü. Ibaji dang masü parnoki tetsü asüpila sentong nunga medentet,” ta China Aid telokisa metetdaksü.

Yaküm August 9 nü sorkar ketdangsertemi Zhu Longfei apu. Iba jakdangji May 24, 2023 nü police-i par Arogo mita aoba mapang nung Pastor Deng Yanxiang, deacon Zhu Longjiang, deacon Wang Weicai aser Zhu Qiaoling nung pua liasü.

Ano külen, China nung special children's school lapoker Khristan ka puogo; meimchir temeden atema inyaksang Khristan jagi loktiliba nung timtem adokdaksütsü ajungmesor, ta pa nem tai tonglokja apu.

Haidian Branch, Beijing Municipal Public Security Bureau-i, Beijing Special Children School tentetsang, Zhu

Bin-i timtem agütsütsü meranger ta tai tonglokja September 29 nü apuba sülen Haidian District Detention Center nung puoka lir.

Sorkar ketdangsertemi mapang shia Zhu'er school mita aoba den külemi amokmerena aruogo.

Coronavirus wara prokba mapang nungi tenzüka Zhu-i charity telok aika yariba den külemi coronavirus agi shirangertem aser takoksa angurtem atema senotsü lenmang bushija liasü.

“2022 küm Xuzhou, Jiangsu Province nung ‘Chained Mother of Eight’ ochimashi jungkai adokba mapang nung Zhu Bin-i iba tatalokba bushisüngdangtsü atema takhangba agüja signatures aika bendenba sülen National People's Congress nem takhangba agüja liasü,” ta Khristan melungtet telok, Bitter Winter-i metetdaksü.

“Iba ochimashi nungji CCP [Chinese Communist Party] atema inyaker ka densema lir. Nisung shibelenertem dang nungi pai tetsür ka alizüka liasü. Tetsürla jagi tanur 8 sotsü aser küm aika la alena yua liasü,” ta Bitter Winter-i metetdaksü.

Iba tatalokba bushisüngdangtsü takhangba agütsüba atema China tesem ajaklen Zhu kanga nungtugu aküm, saka sorkar ketdangsertemi pa apu.

Alima nung Khristantem alitsü linük tamajungtiba 50 rongnung China ya ajenang 19buba nung lir (Open Doors' 2024 World Watch List).

ANO GO ABEN TSÜNGREM DEN

Takok sülen (T. Ken 60: 1-12)

“Tsüngrem ajanga asenoki tasü itta raratsü kechiaser Pai tsükchirtem madak ajemshitsü” (t.12). T.Ken 60 ji yimya masü kechiaser Dawidi iba ken pa timtem nung aliba mapang züluba masü. Pa ken aika lungpok alidang mesüra tongpang rara nung alidang zülü. Saka iba ken ya takok tulu ngur külen zülü. Tsüngrem asoshi armyi Edom nung takok tulu angu.


Iba ken nungi asenoki kechi angazüker? Mezüngbuba, takok sülen asenok kümdangtsüla. “Oh Tsüngrem nai onok sendokogo, nai onok raksatsüogo, na ain adoka liasü, saka tang onok dangi meyipang!” (t.1). Dawidi Tsüngrem dang ayimten aser ashi, “O Tsüngrem, onoki takok tulu nguogo. Saka ano idakji tongpang raratsü lir.” Tsüngrem nübur tulu takok tulu ngur külen tamakok tulutiba angur. Eljai Carmel Tenem nung takok tulu angu, aser iba sülen tasü meiti aküm aser tamakok tulu nung timatem. Asenoki tongpangji koker külen takok angutsü kümdangtsüla.

Tanabuba, asenoki teti Tsüngremer nisan amer. Takokji tembanger külena asenok Tsüngremer tongti tenyartem lir. “Saka shirnoki na tsübur parnok nem tekümdangtsü ka nai agütsüogo, anungji teraksatsüba nungi parnok kümzüktsü” (t.4). Asenoki ochiba nisanji amer kechiaser asenoki Tsüngrem O asoshi noktaker. Asenoki takok ngur külen asenok nisanji matsüzükli. Asenoki ibaji maneni Tsüngrem sentsüwangshi asoshi amdi.

Tasembuba, Tsüngrem nem asenoki sentsüwangshi agütsütsüla. Dawidi Tsüngremi kechi inyaker ibaji asoshi tetushi ajak Pa nem agütsü. Asenok asoshi takok akhangtsübaji temela. Takok ngur külen ibai ashitsü temela, “Ibai ni inyaker.”

Tsüngremi takok agütsür külen ne dangi amajok mapang ka arur, kechiaser nai mita malitsü akok. Aser tamajungbai na amaktsü mita atar. Nai takok tamaitüsü koda ajentsü? Teti Tsüngremer nisanji amang aser Pa nem tenüngsang agütsütsü tejangja süang. Tanaben Tsüngremi ne nem takok agütsütsü. Pa O ochi nung noktakang, aser asüküma bilem ajak temulungjani maitdaksütsü kümdanga liang. Tenüngsang ajak Tsüngremi agitsü tetemsü.

Shinzüka aliba ama Israel-i kiralongrartem amaker: Shariat Hormoz



Shariat Hormoz

October 16, 2024: ‘Iran Alive’ ministry telok nung lenir aser Khristanatem ‘Billy Graham of Iran’ ta ajasang, Shariat Hormoz-i, tang Israel-i Iran-i pusemba kiralongrar teloktem amaker, aser iba ya Laishiba nunga shinzüka lir, ta ashi.

Paisa, Israel aser Arab linüktem tsüngda yimjung tezüngzüktep yanglutsü mapang ana nung lir aser Iran

nungertemi pei sorkar dang melung masüba kanga bulua kümdar, ta ashi.

Yaküm October 7 nü Hamas teloki Israel amakba sülen Israel-i Hamas anema rara tenzüka liasü. Tangbo Israel-i Iran linüki pusemba kiralongrar telok ana- Hezbollah aser Houthis anema-a raradar.

Israel-i Hezbollah telok nung tongti lenirtem aika tepsetba mangyanga October 1, 2024 nü

Iran-i missile 200 amshia Israel amak.

2000 küm Shariat Hormoz-i Iran Alive ministry ya tenteta liasü. Iran ya Khristan linük ka kümdaksütsü nükjidong nung pai iba ministry tenzük.

Shariat Hormoz-i Iran online aser satellite ajanga Khrista osangtajung lemsateper.

Pai, joko linüktemi Islamic Republic of Iran akhüm metsübur, ta ashi.

Hormoz-i, Iran-i missiles aika amshia Israel amakba tu nisung jenti tepsettsü atema masü saka parnoki pusemba teloktem nem akhümsübudaksütsü atema lir, ta ashi.

Ajisüika Iran nungersentotemibo Hezbollah telok jenjang majungba atema pelateper, kechiyong nüburtemi Iran nung Islamic sorkar aser lenirtem sempar, ta Hormoz-i ashi.

Iran nungertemibo Israel aser United States na nem Iran nung tang aliba sorkar chirepdaksüner, ta paisa metetdaksü.

1979 küm nungi Hormoz-i Iran mesemdanger saka media aser yangji aliba Khristantem

den tongtepratepba ajanga pa melungjangbo anogo shia Iran nung lir, ta ashi.

Pa Iran nung Islam yimsü amangertem rongnung inet saka 1980 küm pai Khristan yimsü agizüka liasü aser 2000 küm nungbo pai Iran Alive ministry tentet.

2001 küm nungi tenzüka ministry indang satellite broadcasts ajanga Iran nung nisung 15,000 dak temai Yisu Khrista agizükba jangjaogo.

Iran nungertemisa Gospel online ajanga Khrista osangtajung angashir, ta pai ashi.

Iran nung sensak tia kanga lir aser Hezbollah kiralongrartemi nisung jenti tepseter, ibayongji nüburtemi Iran sorkar dang mepelar aser aikati Islam yimsü toktsür, ta pai ashi.

“Anungji tongmelang agi, mezüngbuba nung- Iran nung nüburtem timtemer. Tanabuba nung, parnoki sorkar sendokba dang masü saka Islam yimsü-a sendoker,” ta Hormoz-i ashi.

“Nütsüng teimbakati secularism pusemer. Parnoki Khristan yimsü densema yimsü balala agizüker, ibayongji tang alima nung evangelical nütsüng

tekeraba renlokba linükji Iran lir,” ta Iran Alive tentetsangisa metetdaksü.

Yeremia tapu 49 aser Ezekiel tapu 38 tetshia Hormoz-i, Laishiba nung shinzüka aliba karbo tang Israel dak sendakba nung atalokdar, ta ashi.

Hormoz-isa, Israel-i kidanger linüktem den yimjung yanglutsü mapang ana nung lir, aser Iran nung nüburtemi Islamic sorkar sendokdar, ta ashi.

“Ezekiel 38 nung Israel kidangertemji kechiba memetdaksü? Kuliji, asenoki asen tenük agi ngudar- Israel-i parnok den yimjung yanglu, aser iba nungji Abraham Accord densema lir, mesüra Israel-i tsükchirtem maakdokogo. Anungji iba ya Ezekiel 38 nung shinzüka aliba Israel-i inyakba lir,” ta pai metetdaksü.

Israel-i Iran nungersentotemibo Yeremia tapu 49 nung shia lir, ta Hormoz-i ashi.

October 1 nü Iran-i missiles amshia Israel amakba sülen Israel-i ibaji mangyangtsü ta sangdongogo. Israel-i kobi melii Iran nung tongtibang tesemtem amaktsüa akok.

AO OSHI ANGAZÜKDAK:



Tanüing

(n) agir magima, chir mechima yutsüba (leftover)

* Tanüingba chiyongtsü ajak ak nem agütsü.

Tanüing

(v) chiyongtsü tamajung kumadokba (putrid)

* Tatsük mapang chiyongtsü tanüing melamelaa akümer.

OLONG PAITEP # 6953

Grid for crossword puzzle #6953 with numbers 1-18 indicating starting positions.

TIPIEN

- 1. Inyaker ajangtetba - (3)
3. Bangsemo adokdak - (5)
6. Shitak mesüi inyak - (7)
7. Ya mimong nung angur - (3)
9. Reprangzük - (4)
10. Tasola - (5)
11. S _ _ _ _ - (4)
13. Yagi ajak ashiochtsür - (3)
15. Ki aokba oset - (7)
17. Ak shi nung inokba tasen - (5)
18. Ishika - (3)

LANGTSÜNGLEN

- 1. Meshidak - (3)
2. Tanaben soshir - (7)
3. Iba anogo - (4)
4. Meshi - (3)
5. Yagi mi tsükloker - (9)
6. Shi tapu ka - (9)
8. Yagi ayimer saka ozü masü - (3)
9. Ajokba shiruru ka - (7)
12. Inyaktet - (4)
14. _ _ _ hi - (3)
16. Akümüli nungi pilar - (3)

OLONG PAITEP # 6952 TELANGZÜBA

TIPIEN :

- 1. Telok, 4. Aluru, 6. Ozüing, 8. Emk,
9. Kin, 10. Teti, 12. Süir, 13. Jen,
14. Ola, 16. Talak, 17. Mazük.

LANGTSÜNGLEN :

- 1. Tenükjang, 2. Luden, 3. Kiochtsü,
5. Lenti, 7. Tajangzük,
11. teronem, 12. Sempa,
13. Jahaz.

NAI-A YA METETTER MA



Arishi küm 18 tain Nepalese mountaineer Nima Rinji Sherpa-i alima nung tenemkolak talangtiba 14 tashi tutetba otsü yangluogo. October 9 aonung 6:05 ako meta Rinji-i Tibet nung Mount Shishapangma indang summit atongba sülen "youngest climber" otsü yangluogo ta BBC-i ashi.

Rinji-i arishi küm 16 nungi high-altitude climbing career tenzüka liasü aser anogo 740 nung alima nung tenemkolak talangtiba 14 tonga atur rongnung tanubosang tenüing ngutetogo.

Indian Army-i Arunachal nung heritage museum ka yangluogo



Guwahati, October 16, 2024

(Agencies): Indian Army-i Nyukmadung village nung Kameng Culture and Heritage Museum lapokogo.

Iba museum ya Arunachal Pradesh kübok West Kameng district nung lir aser public atema lapoktsüogo.

"Iba heritage museum ajanga lokti ka akümba ajanga linük yangerba kuli agütsür" ta Defence PRO Lt Col Mahendra Rawat-i ashi.

Arunachal Pradesh ya Indian civilization den tesentaktep takang lir aser Kalika Purana aser Mahabharata nung tetshia lir, ta

Rawat-i ashi.

Arunachal Pradesh nung putiotsü nüngshilung aika lir aser Kameng Museum nung itemji sayua lir ta paisa ashi.

Indian Army-i iba museum ya Operation Sadbhavana nung shilem ka ama yanglu. Iba mapa ya Vibrant Village Programme den külemi inyak.

Kameng Museum ya Indian Army aser local nisungtem külemi yaritepa inyakba mapa ka lir ta Lt Col Rawat-isa ashi. Kameng Cultural and Heritage Museum ya National Museum Institute of History of Art, Conservation and Museology ajanga kanga junga

renemtsüogo ta paisa ashi.

Iba nung movie hall tajung ka lir aser iba nung Arunachal Pradesh-i India den sendaktepba sobaliba balala sayutsü. Maneni tourist tem atema cafeteria aser children's park ka lir ta paisa ashi.

October 23, 2024 nü Arunachal Pradesh Chief Minister Pema Khandu-i iba museum lapoktsütsü aser iba sentong nung Union Minister of State for Rural Development Kamlesh Paswan aser Gajraj Corps General Officer Commanding (GOC) Lt Gen Gambhir Singh na adentsü ta Lt Col Rawat-isa metetdaksü.

Kakching nung UCO bank nungi Rs 6.5 lakh auya

Imphal, October 16, 2024

(Agencies): October 16 nü Manipur kübok UCO bank Kaching branch nung nisung kati sen auyar bena ao.

Nisung ka prangpong bener bank telungi ait aser pai staff o customers indang mobile phones

rakzük ta branch manager-i ashi.

Minute ishika tsüngda iba nisung jagi cash counter nungi Rs 6.49 lakh agiteta bener ao. Iba tatalokba ya minute 10 tsüngda inyak ta manager-isa ashi.

Iba tatalokba sülen police nem osang sangoktsü aser auer aputsü atema bushisüingdang tenzükogo.

Ketdangsürtemi auer indang maitüsü jangjatsü atema bank aser temeket nung aliba CCTV footage reprangdar.

Sivasagar nung ONGC ketdangsürtem pur aotsü tasa noktang



Guwahati, October 16, 2024

(Agencies): Sivasagar nung ONGC ketdangsürtem pur aotsü tasa ka Assam police-i puteta noktangogo.

United Liberation Front of Asom-Independent (ULFA-i)-i May 2024 nungi iba tasa atonga aru ta Sivasagar Superintendent of Police, Subhrajyoti Bora-i ashi.

October 6 nü Bokota nung ONGC rig nungi tongti ketdangsür ana mesüra talila pur aotsü tasa ka atonga liasü.

Iba tasa atongba nung ONGC assistant engineer Tahirul Hussain-i shilem agi aser pai iba rig nung inyakba ketdangsürtem indang osang agütsü.

Police-i bushisüingdang tenzükba sülen SULFA züngsem Rahul Hazarika (Laden) aser Irshad Latif (Mithu) na apu. Tena dang asüingdangya asüidang October 6 aonung 5:30 aonungi 6:30 ako tsüngda ketdangsürtem pur aotsü tasa liasü.

October 5 nü Sulfa züngsem Laden-i Tahirul'er kidang temporary camp ka mesemtet. Tasüingnepji parnok den ULFA züngsem pezü Charaideo anasa Assam-Nagaland border arrtsülen nungi gari ka nung apuso.

Parnoki Sivasagar nung National Highway 37 nung senzü aser nisung pur aotsü atema mapang ata. Ajisüaka police-i iba tasa mapa küma meinyakdang noktangtet.

Police-i Mongulbarnü Tahirul Hussain aser Irshad Latif na ki mita aodang nisung pur aotsü atema tasa yangluba dak sendakba kulitem ngutetogo. Police-i Maran nung Rahul Hazarika apu.

Ajisüaka, Tahirul Hussain jena ogo aser police-i pa aputsü atema bushitepdar. Iba tatalokba dak sendakba nung Nemuguri police station nung ken o ka benokogo.

Nigeria nung fuel tanker apok, nisung 90 dak tema asü



Majia, Mongputeni/Oct. 16 (Agencies): Nigeria northwest tsütsü totzü bena aliba gari ka makepoker apokba lendong nung nisung 90 dak tema asü aser 50 shi yiru, ta police temi ashir.

Mongulbar aonung iba lendong ya Jigawa State nung aliba expressway nung atalok, kong nüburtet totzü agizüktsü atema gari alidaki nungtepa oa liasü, ta police odongtar kati Bodhbarnü ashi.

“Nisung 94 asüba tejangja angazükogo,” ta Lawan Shiisu Adam-i ashi aser ano nisung

asüba alitsü akok ta tekumdangtsü ashi.

Majia jila nung tanker ya truck ka den metsükteptsü merandang len tezüeni ao, ta odongtari ashi.

Gari ya tsükokba sülen anasa alirtem gari müketa adenshi, aser iba yongji asürtem timba akum südi, ta pai ashi.

“Tanker makepoka alidak nüburtet adenshia totzü agizükba mapang mi tulu adoka apok aser idangjisa nisung 94 asü,” ta Adam-i osangbener dang ashi.

Iba tesem nung tangokba video tem nunga tesem ajunga nung mi jangrua liasü aser nisung tasümang merepshia liasü.

Iba mi ya Bodhbarnep tashi jangrua liasü.

Taoba ita Nigeria north-central tsütsü Niger State nung fuel tanker ka aser truck ka tsükteper apokba nunga nisung 48 asü.

Nigeria nung iba ama gari tulu lendong ya mapang shia ajurur aser item lendong ya aika gari tazükokba makai aniba, lenmang majungba aser gari junga anepalu masüba ajanga lir, ta mongin temi ashir.

2020 küm kisung nunga Nigeria nung petrol tanker 1,531 tsükoka nisung 535 asü aser 1,142 yiru, ta Nigeria indang Federal Road Safety Corps ajanga ashir.

Nigerian National Petroleum Company ajanga September ita tetenzüklen petrol jenjang shilem 39 agi timba kumdaktsü, koba küm ka shi nung jenjang kanga sashia temlokba tanaben liasü.

N Korea nung lanur million 1.4 army nung adentsü mulunga lir

Pyongyang, Mongputeni/October 16 (Agencies): North Korea-i ashiba agi, iba hopta lanur million ka dak temai army nung adentsü mesüra denshitsu atema parnok tenung agütsüogo.

South-i drone ajanga Pyongyang-i propaganda balala yokba atema parnok aitsüba aser arrtsü nung lenmang poksatsüba sülen tang iba osang ya lemsatepogo.

Official Korean Central News Agency (KCNA)-i Bodhbarnü sangdong ka ajanga ashiba agi, kaketshirtem aser youth league ketdangsurtem densema lanur million 1.4-i army nung adentsü atema petition nung sign süogo.

“Drone amshia DPRK indang sovereignty minpronga rongshirtem samatsütsü asoshi linük ajunga nung lanurtem million aikati mulungtetogo,” ta KCNA-i kasa sangdong ajanga metetdaktsü.

Ken o dak sendakba nung South Korea-i tang tashi nung kecha osang agüja mali, shirnoki taoba mapang North Korea-i South Korea nung dak kongshiba anogoji North Korea nung yimsüsüba tatabangbuba anogo asütsü ta tekumdangtsü metetdaktsüogo.

North Korea nung teburtem ajak mandatory military service küm 10 tashi lir. Taoba mapanga South Korea mesüra United States den mangatettep adokba mapang nisungtem aikati army nung adentsü atema tejakdangi aruogo ta North-i metetdakja liasü.

Taoba küm state media-i ashiba agi, US den raratsü atema lisopur 800,000-i North

indang military nung adentsü bendanga agüja liasü. Osang ajanga ashiba agi, 2017 küm mapa inyaker, party züngsem aser sepai million 3.5-i linük tenzüktsü atema bendanga agüja liasü. Ajisüaka North nung iba amala osang adokba ya shitak asü tia aji jangjatsü makoker.

International Institute for Strategic Studies (IISS) indang data ajanga, North Korea nung sepai million 1.28 aser reservists 600,000 shi lir aser unarmed units aika aliba rongnung Worker-Peasant Red Guard reservists million 5.7 aliba metetdaktsüogo.

“Rara adokra ROK ya map nungi meshi meshia samatsütsü. Parnoki raraner anungji parnok samatsütsü mulunga lir,” ta KCNA-i ashiba den, mejagjaba tesem ka nung lanurtem petitions nung sign asüba indang noksa saya liasü.

Mongolbarnü North tsütsü arrtsülen inter-Korea lenmang shilem kar poksatsüba sülen tang iba osang ya metetdaktsüogo. Iba lenmang raksatsüba ajanga linük ana longjemtsü atema timla aliba makai kumdaktsüogo.

South Korea indang Unification Ministry, shirnoki arrtsü adener inyakyimtem achaayanger parnoki iba inyakyim ya aitsüogo aser iba inyakyim ya yimya masüba inyakyim ka ta shiogo.

“North Korea-i iba amala yimya maneni benshiba ya agizüktsü makok aser aitsütsü langa lir,” ta ministry otongdar Koo Byoung-sam-i osangbenertem den sensaksemba mapang ashi.

North-i lenmang shilem kar poksatsüba sülen Seoul-ia telangzüba agüja Korea linük ana tsüngda military demarcation line south len kumdangshia atatsü atema injang khatoka liasü.

North yimtiba Pyongyang-i drone ajanga anti-North Korea propaganda leaflets tem yoka prokshidaktsüba atema North Korea-i Seoul aitsüba sülen taoba hopta nung linük ana tsüngda tensa tamajungba aküm aser South-i drone tem maneni yokra rara ayongzükba ama agitsü, ta amokmerena liasü.

South Korea sorkari mezüngbo drone meyok ta shia liasü, saka North Korea-i ashiba agi, iba inyakyim nung sorkar ketdangsurtem densema aliba kuli tejangja parnok ket nung lir.

May ita nungi Korea linük ana North Korea-i arrtsü adena balloon tem nung jana bener South-i yokba atema ashishitepa aruogo.

Pyongyang-i ashiba agi, South Korea nung activists temi anti-North Korea leaflets aser K-pop kentem inoker USB drive tem yokba atema telangzüba agüja parnoki balloon tem nung jana bener yoka liasü.

North aser South na joko küm aika mangatettep adoka arudar aser North indang nuclear programme dak sendakba nung parnok nem tenokdangba balala agütsür liaka parnok maneni missile tem tendanga arudar.

Kasa mapang nung ano Ukraine den rara nung amshitsü atema Russia nem missile tem agütsüba aser sepaitem yokba atema alima kintemi North aija arudar.

MRS. SUAMONGLA ASER MR. MERENKABA ASÜBA ANOGO BILEMTETA AMUNGER



**Temeim Oja,
na onok nungi pilar
küm 25 ajungba anogo,
aser**

**Obala-a onok nungi pilar
küm 4 ajungba anogo
menungraseta bilemteter.**

**Nena temeim onok mulung nung teti lir,
kenü asenok ajurutsü yimlar.**

- CHIRNUR, SEMCHIR ASER ANÜKAPANGTEM.

US-i memulungaka Israel-i Beirut nung maneni amaker

Beirut, Mongputeni/Oct. 16 (Agencies): Lebanon nung mitkar inyakyim nung United States-i tai puaka Israel-i Beirut nung tayimtsü amshia amakba tanaben tenzükogo.

October 10 sülen tang mezüngbuba Israel mitkar indang jets temi Bodhbarnep Lebanon yimtiba amak. Yimti south tsütsü tesem asem amakba osang lir.

Israel-i Beirut amakba nükjidong asoshi Washington-i tebilemtsü lemsatepaka amaker.

Kasa mapang Israel-i Lebanon aser Gaza nung raraba nung US-i maneni yarir, kong parnoki Hezbollah aser Hamas samatsütsü meranger ta ashir.

Israel mitkari social media sangdong ka nung, underground warehouse ka nung hadir yua alidak tenük yoker Bodhbarnü amak, ta ashi.

Dahiyeh suburb nung amaktsü ya tejangja, ta jelia tekumdangtsü sangdonger liasü aser nüburtet dang map nung ki ka nung maittsü inokja alidak anasa nungi jena aotsü ashi.

Dahiyeh area nung anepdang 6:50 ako meta asemen amakba ola angashi ta ashir, saka asü-amaba osang tejangja ano monguteter.

Israel mitkari tekumdangtsü ya kanga menur ang agütsür, anungji nüburtet jena aotsü tasak akumer, ta Amnesty International aser dangar temi ashir.

“Tesüba hopta tem Beirut nung bomb poklokja amakba yimya aser nükjidong ya asadangra, Israel sorkar dang asenoki tebilemtsü akaba lemsatepogo aser memulunger ta shiogo,” ta State Department odongtar Matthew Miller-i Mongulbar aonung shia liasü.

Beirut tiyong nung October 10 nü nisung aliba ki ka nung mitkar inyakyim nung United States-i tai puaka Israel-i Beirut nung tayimtsü amshia amakba atema US yagi taoba mapang aija liasü.

Kasa anogo Lebanon indang caretaker Prime Minister Najib Mikati-ia, Israel-i linük yimtiba nung amakba ajemtsü aser Israel dang ceasefire alitsü asoshi Washington-i temulung agüja jembir ta US ketdangsur temi shiogo, ta shia liasü.

Gaza nung humanitarian aid tali magütsü tashi US-i nük-nü agütsüba soita ayutsü amokmerenogo ta ashir.

Ajisüaka US-i missile system aser aji amshitsü sepaitem densema sen dollar billion aika jenjang nok-nü Israel nem maneni agütsür.

Taoba ita nungi Israel-i asendenshir Lebanon amakba nung nisung 1,350 shi tepsetogo.

Israel Ato Kilonser Benjamin Netanyahu-i ceasefire alitsü tamakoktsü ta ashir aser ibaji ajanga Iran-i yariba Hezbollah telok ya Israel north tsütsü arütsü anasa yutsütsü ta ashi.

Hezbollah indang deputy leader Naim Qassem-i iba rara tatem kati arutsü lenmang ajak agi ceasefire dang lir, ta Mongulbarnü ashi saka parnoki Israel tesem ajungalen missile amshia amaktsü amokmerena liasü.

Bodhbarnep Lebanon tsütsü nungi projectiles 50 shi khaloktsü, ta Israel mitkari ashi. Ajisüaka asü-amaba osangbo mali.

Kasa mapang Israel-i Lebanon south aser east tsütsü maneni amaker.

Nabatieh jila nung missile agi amakdang nisung pongu tepset aser Qana jila nung nisung 15 tepset, ta Lebanese Health Ministry ajanga ashir.



October 16 nü 3buba Tening Town Inter Ward League Tournament shibangba sentong nung Director NARUDA, Ngullie Rentta-i ojembiba noksa nung angur. Iba asayamung ya "stronger Together" omen nung ajemdaker Tening Town Youth organization-i ayongzuka hopta ka tepeyong asayaogo.

De Villiers, Cook, Neetu nunger ICC Hall of Fame nung züngoksemogo

Mongputeni/October 16, 2024

(Agencies): International Cricket Council-i Bodhbarnü South Africa nunger nüngtugu asayar AB de Villiers, taoba England captain Alastair Cook aser India tsür Neetu David nunger ICC Hall of Fame nung züngoksemsü shimba sangdongogo.

De Villiers dang ya Mr.360 ta ajar aser pa South Africa team nungi küm 14 shi asayaba mapang pai international run 20,000 dak tema yangluogo.

Taoba mapang India tetsür team nung spinner David ya ICC Hall of Fame nung züngoksemsü India tsür tabula kümogo. India tsürtem rongnungi taoba captain Diana Edulji mezüngbuba Hall of Fame nung züngoksemsü. La taoba küm züngoksemogo.

Kasa mapang nung Sir Alastair Cook ya alima nung opener tajungtiba rongnung ka

Pa England team nungi Test asaya 161 nung asaya aser iba mapang run 12,472 yanglua liasü. Cook asaya nungi anenba mapang pa England nunger asayatem rongnungi run timtiba yangluba asayar liasü.

David ya linük tenüng nung asayar 100 (Test 10 aser ODI 97) dak tema nung asaya aser ODI asaya nung lai wicket 141 agia la India tsürtem rongnungi wicket timtiba agiba asayatem rongnung tanabula liasü.

"ICC Hall of Fame nung züngoksemsü ya tetushi ulura aser iba ya national team jersey semer asayatem atema tetushi tematiba ta ni züngshir. Iba asaya atema bendanga agüja asayaba sülen tang iba ya ajangzüktogetogo aser iba jenjang tongtetba ya kü atema kanga tongtibang lir," ta David-i ashi.

Kasa mapang nung De Villiers, South Africa team nungi Test 114, ODI 228 aser

T20I 78 nung asayaogo aser iba mapang run 20,000 dak tema yanglua liasü.

"ICC Hall of Fame nung züngoksemsü cricket asayar tajungtiba telok nung densemba ya tetushi kanga tulu lir," ta de Villiers-i ashi.

Maneni Cook asaya aliba mapang pa Test asaya 159 nung atonga asaya aser 2010-11 Ashes akokba aser 2012 küm India nung test asayamung akokba ya pa indang career nung takok tajungtiba ana asütsü.

"ICC Hall of Fame nung züngoksemsü mimlai liasü aser list reprangdangra asayar tajung aika den densemogo aser iba atema kanga pelar," ta Cook-i ashi.

ICC Hall of Fame ya 2009 küm January ita amenoka liasü. Class of 2024 — De Villiers, Cook aser David nunger ya iba hopta Dubai nung züngoksemsü.

Thomas Tuchel England tebur football team coach kümogo



Mongputeni/October 16, 2024

(Agencies): Thomas Tuchel Bodhbarnü England tebur football team head coach asütsü shimogo. Pai iba mapa ya 2025 küm January 1 nü nungi tenzüka inyaksü ta osang ajanga metetdaksü.

Arishi küm 51 tain coach shiba taoba season Bayern Munich toktsüba sülen kecha minyaki liasü, pai England nunger Gareth Southgate melenogo aser pa ya Sven-Goran Eriksson aser Fabio Capello na sülen England team indang bendanger coach tasembuba kümogo.

Pa taoba mapang Chelsea, Borussia Dortmund, Paris Saint-Germain aser Bayern Munich

indang coach liasü, aser pai item club tem nungi takok tajung aika ngutetogo.

Ajisüaka iba jenjang agiba atema FA aitsüogo, shirnoki iba mapa asoshi England nunger coach tem dak tamang makar.

Tuchel nem English coach Anthony Barry-i teyari agütsütsü. Tena Bayern Munich nunga külemi inyakogo.

"England team anitsü atema maongka agütsüba atema ni kanga pelar," ta Tuchel-i ashi.

Tuchel-i, PSG aser Bayern nung inyakba mapang league title benogo aser Dortmund nung inyakba mapang German Cup kokogo, ajisüaka pa atema takok tulutibaji Chelsea nung inyakba mapang nguteta liasü.

Pa lenisüba nung 2021 küm Chelsea puri Champions League akok aser UEFA Super Cup aser Club World Cup dena koka liasü.

Ajisüaka Chelsea kibur tasenbai 2022 küm September ita pa mapa nungi anenja liasü.

Southgate lenisüba nung England team European Championship ana atonga final tonga asayaogo aser iba den World Cup nunga khen semifinal aser khen quarter-final tonga asayaogo.

Ajisüaka 1966 küm kidang World Cup akokba sülen England team-i tang tashi nung tebur asayamung tongtibang ka danga koka mali.

"Thomas Tuchel shimba atema onok kanga pelar, shiba alima nung coach tajungtiba rongnung ka lir," ta FA CEO Mark Bullingham-i ashi.

England team nung tang Harry Kane, Jude Bellingham aser Cole Palmer amala asayar tajung aika lir, anungji Tuchel asoshi asayamung tongtibangtem akoktsü asoshi item asayatem anishitsü maongka tajung asütsü.

ICC Test rankings: Harry Brook-i Virat Kohli ajatetogo

Mongputeni/October 16, 2024 (Agencies): England nunger arishi küm 25 tain asayar Harry Brook Test cricket asaya nung maneni tejakdangi tudar aser tawa sayaba ICC Test batting rankings nung pa tanabuba jenjangi tuogo.

Multan nung Pakistan den mezüngbuba Test asayaba mapang triple century yangluba sülen Brook jenjang 11 tejakdangi tua tang tanabuba jenjang nung New Zealand nunger asayar Kane Williamson den külemi lir.

Jenang anabuba tonga atuba mapang Brook-i India nunger batter Virat Kohli ajatetogo, shiba jenjang ka asepsüka lua tang tenetbuba nung lir.

Brook ya Test asaya nung kanga dang jangrademtsü aketba asayar ka kümogo aser pai triple hundred ka yangluba ajanga Pakistan nunger bowler tem nem timtem agütsüba dang masü iba ajanga England team nem takok agüja parnok 1-0 agi tejakdang kümogo.

Kasa mapang nung England nungersa Joe Root-ia rating point 932 ngua pa temaba

jenjang nung lir.

Pakistan den Multan nung mezüngbuba Test asayaba mapang run 262 yangluba sülen ICC Test batting rankings nung Root-i temaba jenjang nung pa jenjang kanga junga yanglushiogo.

Root-i tang point 932 ngutetba sülen pai taoba mapang point 923 ngur aliba ajatetogo aser pa Test asaya nung rating point 932 dak timba anguba asayar 16buba kümogo.

All-time best Test batting rankings nung Don Bradman (point 961) maneni temaba jenjang nung lir. Tanga asayatem rongnung Steve Smith (947), Ricky Ponting (942), aser Virat Kohli (937) nunger densema lir.

Rating tasenba anguba sülen Root tang iba telok nung Mohammad Yousuf (933) aser Kumar Sangakkara (938) nunger den densemogo.

Pakistan den mezüngbuba Test asayaba mapang Brook aser Root na senteper run 454 yangluba ajanga England-i innings ka aser run 40 ser ta agi asaya kokogo.

Bangladesh coach Chandika mapa nungi anentsüogo



küm ICC Champions Trophy atema renemshiba mapang asayamung balala nung shilem agitsü.

World Cup mapang asayar kati pa dak Hathurusingha-i amaba indang ashishiba sülen BCB-i bushisügang tenzüka liasü.

Arishi küm 56 tain coach ya toba küm February ita Bangladesh team nung tanabenbuba aden aser 2025 Champions Trophy tembangba sülen pa den tenangzüktepa yangluba tembangtsü liasü.

Ajisüaka pa linük nung South Africa den Test asaya ana asayatsü aliba nung shilem magitsü.

Hathurusingha lenisüba nung team-i takok aser tamakok aika ajangshiogo. Pai anir Bangladesh team-i otsütsüsa Pakistan nung Test asayamung ka akok saka India nungbo Test asaya ana aser T20 asaya asem mekoki liasü.

Bangladesh team tang international jenjang nung parnok asayaba yimya yanglushitsü asoshi merangba mapang tang pai mapa toktsüogo.

Phil Simmons, shibai taoba mapang international team balala coach süogo, pai team asüngsangshitsü atema aser Champions Trophy asoshi renemtsü atema team nem teyari agütsütsü.

Dhaka, Mongputeni/October 16 (Agencies): Bangladesh Cricket Board (BCB)-i, tebur team team head coach Chandika Hathurusingha mapa nungi anentsüogo. Toba küm India nung ODI World Cup asayaba mapang inyakyim shidak benoka inyaksangshi masüba atema pa mapa nungi anentsüogo.

Hathurusingha ya taoba mapang Sri Lanka nunger all-rounder ka lir aser anogo ishika tejakdang India den Test asaya anaprongla aser T20 asayamung makokba sülen pa asadangshia liasü.

Osang ajang ashiba agi, Hathurusingha mapa nungi anentsütsü aser taoba mapang West Indies nunger asayar Phil Simmons-i melentsü.

Simmons, shiba 1990s tetenzüklen aser tom nung all-rounder ka ama kanga takok ngua asayaogo, pa lenisüba nung Bangladesh team taruba

BILEMDANGANG

"Mapa tajung inyaksü asoshi tanü ama mapang mangutsü akok."